

GÁHTTJOM RABÁS ÁVDDÁKVALIFISIERIMIJ: Dájdda Cicignona- ja Elsa Laula Renberga guovdduj

Roandema suohkan áhtsá sáme dájddárijt ávddákvalifisierimij dájddaprosjæktaj Cicignona- ja Elsa Laula Renberga guovdduj Roandemin.



Perspektijva, ávddåprosjæktá dálátijj. Gåvvå: LINK Arkitektur

CICIGNONA- JA ELSA LAULA RENBERGA GUOVOJ BIRRA

Roandema suohkan ájggu lãpptit dajt guokta ráddná guovdojt Cicignona ja Elsa Laula Renberga guovddo Roandema guovdátjin avta stádaladnjan. Dán stádalanján galggi moadda funksjåvnå: saje ståhkamij, hávsskudallamij, dáhpådusájda ja ietján. Dán stádalanjá lahkusin li duola dagu restauránta, hotella, bårnjka, dájddaviesso, girkko aktan almulasj ja priváhta kontåvrå.

Stádaladnja la Søndre gate ja Kjøpmannsgata gaskan ja la tjoahkkáj birrusij 2800 kvm stuorre. Krabugata mij la akta dajs boarråsamos gahttunijs stádan, rassti stádalanjáv dáj guovte guovdoj gaskan. Tsiekkaduså ma li stádalanjå gaskan, li 3-7 etåsjå allaga ja duot dát ájggudagås mij mannå 1800-lågos gitta udnåtja bæjvvåj ja dajda gulle arkitektåvnålasj ávddånbuktemij.

Suohkana stádalanjåstratesijjå milta galggå stádaladnja liehket bivnos, ielle ja rabås ståda álmugij - sierralåhkáj mánájda ja familjåjda mánáj. Dåkkir tjoahkkåjbiejadum stádalanján galggå ålov mielan adnet. Duodden ståhkam- ja hávsskudallamsajjida sjaddi ulmutja dan tjadå vådtsset ja syhkaldit. Stádalanján e galga bijla, ietjan gå ráddjidum ájggudagån goassa bæsså rutsijt viedtjat ja gålvojt buktet. Stádaladnja l gasskaájge ednama nanna mij automåhtalattjat la suoddjiduvvam. Dat merkaj ij la loahpe heva råggåt jalik fundamentierit.

Histåvrå vuostasj sáme rijkkatjåhkanibme lij guovvamåno 6. biejeve 1917 Metodissmagirkkon, mij la akta dát stádalanjå tsiekkadusåjs. Elsa Laula Renberg vuododij værålða vuostasj

sámesiebrev ja dáv tjáhkániev jáhtuj biejjat. Tjáhkániev rahpambiejjvve maŋŋela válljideváj sámij álmukbiejjvven - riikkarájáj rastá. Elsa Laula Renberg lij ávddánissun ja værmástagájt tsiiggij, politihkkij ja lij aktivissta, álmugav tjuovggidij ja rievddadij, ja danen la nubbe dájs guovtet guovdojs dán stádalánjáv suv nammaj guddneduvvam.



Stádalánjá sávnápládna, ávddáprosjehta, bargo vuolen. Gávva: LINK Arkitektur

DÁJDDAPROSJEHTA BIRRA

Danen gá Roandema suohkan ájggu lápptit Cicignona ja Elsa Laula Renberga guovdojt de ájggu suohkan rudájt biedjat dájdaprosjehtaj dán stádalánján. Vuorodime vuodo I referánssa Elsa Laula Renbergaj ja vuostasj sáme riikkatjáhkánibmáj. Politihkalasj dirŋgom la jut dájdaprosjehta galggá sáme dájddáriida vatteduvvat ja galggá Roandema sáme kultuvrav, histávráv ja liehkemav vuojnusij buktet.

Dájdaprosjehta badjásasj visjávnná I dat galggá:

- diehtten dahkat sáme kultuvrav Roandemin ja gáktu dat la vijdep sáme duobddágij tjanádum
- sáme kultuvra ja kultuvrrajavllamusájs álget
- dájdalasj friddjavuodav vaddet mij guoská gáktu ávddánbukta
- máhttet dav integrierit stádalánjá guolbbáj, møbelijda ja vædtsagijda jali friddja tjuodtjot stádalánján
- stádaladnjaj stuoves árvov buktet.

Dájdannammadus sihta dájdá galggá ietjas luondulasj sajev gávnnat dán moattebelak stádalánján ja galggá liehket tjelgas ja sajenis. Ájggop dilev láhtjet buorre aktisasj bargguj dájddára, duobddákarkitevta ja dájddannammadusá gaskan váj dáv állidip.

ALMODIME BIRRA

Ávddá kvalifiserima ulmme I jáksát sáme dájddárijt gudi dássta berusti ja gávnnat kandidántajt dahpadum gilppusij ja/jali njuolggá bargojda.

Dájddanammadus áhtsá sáme dájddárijt gudi li hárijánam jali sihti barggat dájddaprosjevtan álggon tjoahkkájbiejadum stádalánján. Prosjevtan dættoduvvá máhtudahka dahkat dájddagijt alla kvalítiehtajn, jut buktá buoragít iehtjádij siegen barggat aktan fáhkasuorgij rastá. Dájddanammadus sihtá árvustallat vijdes vijddudagáv ávddánbuktemvuogijs ja dájddalasj stratesjijjajs, sihke hárijánam dájddárijs ja dájddárijs gudi áttjak li álggám.

Ep dal ájn vuostatjín sidá konkriehta oajvvadusájt jalik tjuorggamijt ma vuosedi vejulasj tjoavddusijt.

Jus sjatta oassálasstet ájálvisgilppusij de dan ávdás máksep.

Jus li gatjálvisá de tjállela dájddafágalasj prosjæktajádediddjáj Annika Borg e-poasstaj: annikab@online.no

RUHTADILLE JA ÁVDDÁNIBME

Dájddabudsjæhtta: binnemusát kr. 1 500 000.

Ij la állu sihkar gáktu stádaladnjaprosjæktá aktan dájddaprosjæktá sjaddá ávddánit.

Dájddaprosjæktá I viek tjanádum stádaladnjaprosjæktaj - mij guoská sihke ávddánibmáj, ruhtadibmáj ja gárvedibmáj. Stádalánjá ávddáprosjevtá vuordeduvvá gárvvánit ávddál 2022 giese ja dan mañjela galggá ruhtadimijn barggat. Stádalánjá ja dájddaprosjevtá tjadádibme I politihkalasj mærrádusá ja juollodime duogen. Ihkap sjaddá navti jut lávkij milta tsieggi ja gárvet ruhtadime jali ietjá vidjurij diehti.

Dan duogen jut vuorddá tjielgadimev dájddaprosjevtá lãhpalasj tjadádime hárráj, de ájggop báddásasj dájddaplána milta gáhttjot dahpadum ájálvisgilppusij ja/jali tjuorgasprosjevtaj tjavtjan 2022. Dán ájggudagá ulmme I gáhtjodum dájddár(a) galggi bessat konkriehta ájálvisájt ávddánahttet, ja vuojnnusij buktet man guovlluj da manni.

Gå de politihkalasj mærrádus juollodime ja tjadádime gáktuj la sajenis, de rievddadip dájddaplánav jus dasi I dárbbó. Vijddásap prosæssa dájddaprosjevtajn gitta álles tjadádibmáj de jáhtuj biejaduvvá. Sæmmi báttá duollis álles stádalánjá ávddáprosjevtav. Dát dagáduvvá lahka aktisasj barggon duobddákarkitevtá, dájddanammadusá ja válljidum dájddár(ij) gaskan. Dán ájggudagán galggi dájddára ájálvisá ávddánahteduvvat ja buoremus láhkáj tjanáduvvat ávddáprosjevtá tjuorggamijda váj dájddaprosjæktá oadtju vuogas sajev stádalánján.

GÁKTU ÁHTSÁT

Gáhttjop sáme dájddárijt gudi dássta berusti, sáddit:

- tevstav diedoj ietjas dájddaga birra
- tevstav gánná tjállá dát bargo berustime ja mávtástuhttema birra
- duodastus/gává ávdep bargojs ja guoskavasj prosjevtajs
- CV guládallamedoj

Jus sidá de máhtá divna dáj avta PDF:aj biedjat, valla dat ij la gájbbádus.

Galga ber válldet aktijvuodav jus la mige man birra imájdalá!

Ávddákvalifisierim almoduvvá sihke dárogiellaj ja oarjje-, julev- ja nuorttasámeigiellaj. Dáv dahkap danen gá sihtap jáksát nav moatte dájddáriida gá ber vejulasj ietjasa giellaj diedoj dájddaprosjevta birra. Ajtu galggá átsálvisáv tjället dárogiellaj/muhtem skádasasuollu giellaj, jali ierjilsij, danen gá dá sjaddi guládallamgiela ávddálijguovlluj.

Dá diedo, ja jus dujna li gatjálvisá, sáddiduvvi e-poaasstan dájddafágalasj prosjæktajádediddjáj Annika Borg: annikab@online.no

Áhtsámájggemierre: bárggemáno 28. biejevve 2022

DIEDO PROSJEVTA BIRRA

Tsieggima vásstediddje: Roandema suohkan
Stádalanjáv li prosjekterim: Multiconsult AS
Duobddákarkitækta: LINK Arkitektur og Landskap
Dájddafágalasj prosjæktajádediddje: Annika Borg

DÁJDDANAMMADUS

Annika Borg, dájddafágalasj prosjæktajádediddje
Magnhild Lunde, kommunalteknikk prosjæktajádediddje, Roandema suohkan
Erle Stenberg, duobddákarkitækta, LINK Landskap
Eiva Marita Ørsnes Sara, sáme ávdástiddje, Tráanten Saemien Dæhkie

Dájddanammadussaj galggi ájn vil guovtes sáme dájdda/kultuvrramáhtudagájn gá áhtsámusájt giehtadallagoahtá ja jury barggagoahtá.